





第三一六册

四庫全書

● 上海古籍出版社

本冊目次

續資治通鑑長編(三)

宋李 燾撰……………一

欽定四庫全書

史部

續資治通鑑長編卷一百二十一

詳校官檢討臣劉錫五

刑部郎中臣許兆椿覆勘

纂修官編修臣鄒玉藻

繕錄監生臣俞錫玉

欽定四庫全書

續資治通鑑長編卷一百二十一

宋 李燾撰

仁宗

寶元元年春正月癸卯元昊請遣人供佛五臺山乞令使臣引護并給館券從之元昊實欲窺河東道路故也刑部員外郎直史館同知禮院宋祁上疏曰臣伏見頃歲以來災眚數見依類說寓異占同符天本視法而

欽定四庫全書

續資治通鑑長編卷一百二十一

尊乃有疆離流薄之變地當安固而靜乃有都國震動之占陛下奉承郊丘歲豐月潔當蒙介福翻致大異何哉得非事有召姦法有階隙天於宋室諄諄存顧先幾豫慮以啟聖心欲陛下據易圖難緣微警著奮揚剛德固執主威厭銷未萌以光丕業也臣伏讀前史五行志以驗於今累威重譴不可不察若乃羣星流散則民人蕩析之象也月行黃道地震州邑則邊戎窺聞臣下擅恣后妃將盛年穀阻饑之兆也去年火焚興國寺浮屠延

燔藝祖神御殿已而盜壞宗廟鉤器者再則神不昭格之意也自昔災異之發遠者十數年近者三四年隨方輒應類無虛已陛下何不暫撓清慮推求其端方今典刑設張上下提穆而臣便論危事必難取信然陛下試一念之假有蕩析以何策固安假有饑空以何理賑救脫致窺間可任之將謂誰儻令擅恣可防之姦有幾災異不驗國之福也苟其遂驗則陛下禦之之慮得不素具於穀中哉然請先言其要臣聞君以操柄為重臣以欽定四庫全書

增補治通鑑長編
卷一百二十二

二

奉命為恭柄捨之則重者反輕命竊之則恭者更僭伏惟陛下驗爵賞之典刑罰之權雖覽群言一次宸慮無委成假借以開貴近牽制之私若夫後宮戚里祈恩丐賞者日月不乏陛下且當斷而不聽以示至公內省黃門給事左右亦宜數加訓敕使思不出位此皆助陽抑陰之術也臣聞伯禹三王之長逢辜引患宣王成周之良遇患側身故能感徹神祇收還威怒回沴氣為太和化已衰為中興陛下覽照古今至詳至熟今廢昔日著

中外暴聞而罪已之問不形於詔書思患之謀不留於詢逮委遠天戒虛而未答踰時越月羣下默然間者但引緇黃晨齋夕明修不經之細祀塞可懼之大變人且未信天胡可欺臣誠至愚竊恐銷伏之間未為得計也伏望陛下不以災之未應遂為宴安不以歲之屢豐便忘荒饉普詔百職各貢所懷庶幾天下條貫粲然先見惟陛下留神省閱

甲辰雷

欽定四庫全書

增補治通鑑長編
卷一百二十一

三

丙午以災異屢見下詔求直言曰朕躬之闕遺執事之阿枉政教未臻於理刑獄靡協於中在位壅蔽之人具官貪墨之吏仰諫官御史播紳有僚密疏以陳悉心無隱限半月內實封進納朕當親覽靡及有司擇善而行固非虛飾

庚戌命翰林學士丁度等權知禮部貢舉

乙卯大理評事監在京店宅事務蘇舜欽詣通疏曰臣聞河東地大震裂涌水壞屋廬城堞殺民畜幾十萬歷

旬不止始聞惶駭疑惑竊思自編策所紀前代衰微喪亂之世亦未嘗有此大變今四聖接統內外平寧戎夷交歡兵革偃息固與夫衰微喪亂之世異何災變之作返過之邪且妖祥之興神實尸之各以類告未嘗妄也天人之應古今之鑒大可恐懼豈王者安於逸豫信任近狎而不省政事乎廟堂之上有非才冒祿竊弄威福而侵上事者乎又豈施設之政有不便於民者乎深宮之中有陰教不謹以媚道進者乎西北羌夷有背盟犯欽定四庫全書

續資治通鑑長編
卷一百二十一

四

措既而孟春之初雷電暴作臣以為國家闕失衆臣莫敢為陛下言者惟天丁寧以告陛下陛下果能霽發明詔許羣臣皆得獻言臣初聞之踴躍欣抃旬日間頗有言事者其間豈無切中時病而未聞朝廷舉而行之是亦收虛言而不根實效也臣聞惟誠可以應天惟實可以安民今應天不以誠安民不以實徒布空文增人太息爾將何以謝神靈而救弊亂也豈大臣蒙塞天聽不為陛下行之豈言事者迂濶無所取不足行也臣竊見欽定四庫全書

續資治通鑑長編
卷一百二十一

五

綱紀隳壞政化闕失其事甚衆不可舉舉謹條大者二事以聞一曰正心夫治國如治家治家者先修身修己者先正心心正則神明集而萬務理今民間傳陛下比年稍過俳優賤人燕樂踰節賜子過度燕樂踰節則蕩賜子過度則侈蕩則政事不親侈則用度不足臣竊觀國史見祖宗日日視朝旰食宵衣衣旰食求治之秋而事者立得召對委曲詢訪小善必納真宗末年不豫始間日視事今陛下春秋鼎盛實宵衣旰食求治之秋而

欽定四庫全書

增補治通鑑長編

卷一百二十一

六

乃隔日御殿此政事不親也又府庫匱竭民鮮蓋藏誅
歛科率殆無虛日三司計度經費二十倍於祖宗時此
用度不足也政事不親用度不足誠國大憂臣望陛下
修己以御人洗心以鑒物勤聽斷舍燕安放棄優近
習之纖人親近剛明鯁正之良士因此災變以思永圖
則天下幸甚二曰擇賢夫明主勞於求賢而逸於任使
然盈庭之士不須盡擇在擇一二輔臣及御史諫官而
已陛下用人尚未選擇昨王隨自吏部侍郎平章事超
越十資復為上相此乃非常之恩必待非常之才而隨
虛庸邪謫非輔相之器降麻之後物論沸騰故疾纏其
身災仍於國此亦天意愛惜我朝陛下鑒之哉且石中
立頃在朝行以詼諧自任士人或宴集必置席間聽
其語言以資笑噱今處之近輔不聞嘉謀物望甚輕人
情所忽使災害屢降而朝廷不尊蓋近臣多非才者陛
下左右尚如此天下官吏可知也實恐匈奴輕笑中國
宜即行罷免別選賢才又張觀為御史中丞高若訥為

欽定四庫全書

增補治通鑑長編

卷一百二十一

七

司諫二人者皆登高第頗以文詞進而溫和軟懦無剛
鯁敢言之氣斯皆執政引拔建置欲其緘默不敢舉揚
其私時有所言則必暗相關說旁人窺之甚可笑也故
御史諫官之任臣欲陛下親擇之不令出執政門下臺
諫官既得其人則近臣不敢為過乃馭下之策也臣以
謂陛下身既勤儉輔弼臺諫又皆得人則天下何憂不
治災異何由而生惟陛下少留意焉此欽本傳稱康定
中河東地震并欽
諸國上疏蓋誤也康定中則王隨等罷久
矣今據并欽集見之此年正月十八日
丙辰詔曰比者善氣勿效陰青屢見地大震動雷發不
時推原天譴之所由豈更為貪弛苛虐使狴牢淹繫而
賦調緊急歟或受賕鬻直下情壅蔽以虧和致戾歟轉
運使提點刑獄其繁所部吏以聞 宋祁又上疏曰臣
聞賞罰操決天子之權也奏請可否以佐上操決則百
度又寧一人尊強竊見陛下臨視庶政深執謙德不自
先斷專委大臣使大臣人人如臯陶家家為后稷尚且
不可況有託國威而肆忿寄公爵以植恩者哉臣請粗

陳其要且如陛下自欲有所拔擢大臣以為不可陛下從而罷之又如自欲有所黜去大臣以為不可陛下從而任之如此則權常在臣政不在君昭然可見矣陛下何所忌憚而不累加裁詰遂使中材之人料時之如此欲自結於朝者還附於權黨欲自徇於公者反入於私門威柄寢移人心何繫此將來可慮一也臣聞忠臣之事君造膝而言詭辭而出所以啟心防患也陛下亦宜隱秘其語保全其人僅露主名則為所譏刺者皆切齒而思報矣興誹造謗不退不止一日罹患而後來者傳以為戒皆苟容偷合背公入黨則陛下雖有盈庭之士朱紫雜襲誰肯與權貴立敵進言而取禍哉此無異挈仇以授姦人自閉其耳目也臣比見茲事以驗於前伏望深思大易失臣之義無襲春秋陽處父之枉此將來可慮二也臣伏惟陛下春秋鼎盛皇嗣未立後宮所御當貴序進廣求姦斯之福伏望豫示敕誡詔判貴賤使上下有制不相踰越讒譭毀間明垂防禁數詔后妃

習知謙退和柔之懿無令僭妬得萌其中此將來可慮三也諫官御史本所以進退鯁亮震肅權綱為天子之耳目也今則不然有勢者其姦如山結舌不問無援者索疵吹毛飛文歷詆未及滿歲已千宰司希兼職而求進秩矣如此則宰司有失諫官御史肯為陛下盡言乎臣故曰諫官御史由宰司之進拔者非陛下之利也夫輕授重責難以得人但賞不罰難以肅下今若令居有官者終歲不言及言而不當坐不任職退挾持私意有所回隱而坐故縱誅不畏強禦議論嚴正者陛下自意擢之無令有司得與此亦救阿黨之一也傳曰正其本萬事理又曰人存則政舉人亡則政息苟使天子持柄於上羣臣事職於下如臣前所陳者大猷幾務將交修畢舉矣安有政未臻理刑靡協中乎至於海縣浩繁官不悉善或察廉無狀或貪冒公行或民窮無訴或事紛未治大且抵死小則遠官案章一下交手受械事輕人末曷足應天變而關國體乎要災異之發政教之本在

朝廷君臣之間耳臣聞徒善不足為政徒法不足自行天之感物不為偽動今陛下惕然自反已降德音羣臣將畢精竭慮隨事納說必有可采伏望朝廷開許施行然臣尚有所慮者今臣下準詔例得獻言言不深切則事不明白或恐有昧儀矩罔識禁忌論安危則便云泰山累卵指宴飲則直曰酒池肉林伏望陛下納汙舍垢一切裁赦兼容博聽以取其長勿令有坐狂言而得罪者則聖德愈光大矣

欽定四庫全書

續資治通鑑長編
卷一百二十一

十

庚申除并代忻州壓死民家去年秋稅

甲子賜新知忻州禮賓副使高繼元甲馬一匹

上封者言自變茶法歲輦京師銀絹易易粟於河北配擾居民內虛府庫外困商旅不便丙辰命權御史中丞張觀侍御史程戡右司諫直集賢院韓琦與三司別議之

丁卯比部員外郎師仲說致仕故事當與一子官上以仲說嘗知金州失入死罪特罷之直史館蘇紳上疏

曰星之麗天猶萬國之附王者下之畔上故星亦畔天精氣所感先示其象陛下既祇畏天戒則宜推原其本而預修其脩若生民之疾苦未復郡縣之刑辟未平者願推所以拯卹之在位有背公懷私害直醜正相為比周不顧廉節者願思所以懲艾之據名藩專使領有因循亡效守邊防擁重兵有方略不聞者願議所以更置之西北諸戎久恃信好有強悍自恣獷驕慢上者願求所以伐其謀左右近習久處親信有狎侮不戒詭寵怙

欽定四庫全書

續資治通鑑長編
卷一百二十一

十一

患者願思所以杜其萌草澤庶士有負非常之才而上不知知而未用者願思所以觀其行盡其能凡此數者幸留聽而察焉天者陽之氣地者陰之體其有越陰之體侵陽之政則應以變動故書曰臣無有作厥作福害於而家凶於而國是也今大異若此得非任事之臣踰常分乎朝廷事無大小委之政府至於黜陟之柄亦或得專夫一二大臣平居之日所宜辨論官才使陛下周知在位之能否及有除擬則可以隨才而任用使進擢

之人知恩出於上則威福不外分也今則不然每一官闕但閱其履歷附以比例而陛下無復有所更故競進之徒趨走權門經營捷徑靡所不至是恩命未出於上而請託已行於下矣祖宗時擢用要官惟才是用臣下莫得而先知不牽制於一切故被擢之人咸思自厲此無他也講求之有素而大權不在於下也雷者天之號令所以開發萌芽辟除陰害萬物須雷而解須雨而潤惟人君崇寬大順春令則應節否則動於冬今方春而雷發聲天其或者欲陛下出號令以震動天下宜及於早而矯臣下舒緩之咎凡朝廷事無鉅細無內外取其先急者悉闕聖慮而振肅之不可緩也夫星變既有下畔上之象地震又有陰侵陽之證者天意若曰夷狄將有畔上之釁恐陛下未悟也又以震雷警之欲陛下先事為備則禍患消而福祥至矣直史館葉清臣上疏曰昔杜欽有言子為父陰臣為君陰妻為夫陰外國為中國陰臣以今日之事推之陛下嗣位十六載尚虛儲

欽定四庫全書

特旨治通鑑長編
卷一百二十一

十二

宮宗室諸幼無所用事子之陰不能沴父也中宮柔順不奸外朝戚里族屬不及以政妻之陰不能沴夫也四夷驚服邊候不聳外國之陰不能沴中國也獨大臣秉政專制刑爵陛下馭臣之術未合治體臣謂此正臣之陰為沴爾陛下續御之始母后臨朝天資仁孝推而弗有天下之人不以為過知陛下奉先志而尊母訓也明道以後政歸明辟進退輔弼廢置閣寺杜私謁禁斜封當此之時天下之人矍然傾心知陛下晦於昔而顯於今也然患在持之不久未能勵精庶政遂使招權之人日嘗月伺乘上寬仁自用於下陛下猶臨朝淵默垂拱仰成事無大小有議皆可使輔相之臣竭忠無私皆如蕭曹房杜則可一有不及才或非倫則誤陛下事多矣臣聞王者之所以橫制六合撫有萬民者在握刑賞之權不授人以柄而已故舉一善有爵祿之賜黜一惡有斧鉞之誅使人尊如天親如地仰其明如日月畏其威如雷霆今則不然有一進拔則曰宰相某人之親也舊

欽定四庫全書

特旨治通鑑長編
卷一百二十一

十三

也嘗遊其門而善者也被一抑黜則曰宰相某人之嫌也隙也跡踈而不被其遇者也爵賞刑罰陛下所有也比及於人則天下之人族談讟然不曰自陛下出而曰由宰相得非臣陰之盛而易天地之序者乎此非一日之事也堅冰之漸其來久矣京房曰臣事雖正專必震使正而專猶且震况專而不正安得不遭陰陽之氣而致天地之變乎此地震之所由至也昔祖宗臨御親攬權綱進賢退不肖發在宸斷孜孜求治朝夕訪對孤臣欽定四庫全書

欽定四庫全書

續資治通鑑長編

十四

事二曰用威斷三曰廣言路四曰重圖任五曰正有司六曰信命令七曰示戒懼 御史中丞張觀亦言承平日久政寬法慢用度漸侈風俗漸薄以致災異因上四事一曰知人二曰嚴禁三曰尚質四曰節用 實錄本紀四月並無求直言詔按張觀傳言正月詔求直言蘇紳傳云星流地震方春而雷詔求直言又韓琦家傳論宰相疏亦云陛下引咎詢求諫言而禁清臣傳又云清臣疏論地震會詔求直言復上疏是月必有詔也實錄本紀偶脫之臣意先用宋初集奏議所注月日追書仍取王氏會要詔文具載於正月九日蘇紳等疏有實日者追附其日獨蘇紳葉清臣張方平張觀等仍於月末附見

欽定四庫全書

續資治通鑑長編

十五

二月戊辰朔詔天下貢舉人自今止令遂州解頭入見時舉人羣見進止多不如儀而民有緣化隆高惟志者又輒闌入殿庭獻封事也 舉人進止多不如儀據司馬光記聞增入庚午詔自今復日御前殿視事用蘇紳欽之言也 三司言山場權務自今火焚官物其直萬緡以上者監官並勒停主吏刺配別州牢城從之 壬申詔罷遣投洞府金龍王簡內臣止差殿侍齋送本處令知州或通判嚴潔致醜投之

癸酉罷奏舉縣令初中書言天下縣令闕有限而舉縣令者日益多比來銓司擬注不行故罷之

甲戌賜鄆州學田五頃

壬午詔瀛州百濟河上通滹沱河遇夏秋暴溢而所屬

官司能完固隄防者與理為勞績若致衝決則加罪之

甲申廣南西路鈐轄司言安化蠻寇宜融州據杜杞傳安化蠻寇

邊統知宜州王世寧朝廷出兵討之實錄不詳詔內臣為走馬承受代還如

使臣例與改官景祐五年中按景祐止四年五年即實元元年此稱五年實快

欽定四庫全書

續資治通鑑長編

卷一百二十一

嘗有是詔今復申明之右司諫韓琦上疏言有虞至

聰也成湯至明也其命相猶咨於岳選於衆不敢以獨

鑒自決於上必命衆而舉之始居其位故得百工信其

治而不仁者遠於朝未有衆以為非才上獨以為可任

付以大柄信其操執而望萬化可成衆功盡美者也臣

職在諫諍志無回隱自去秋迄今累上封奏指言陛下

承弼之任未得其人蓋以宰臣王隨登庸以來衆望不

協差除任性褊躁傷體廟堂之上不聞長才遠略仰益

感化徒有延納僧道信奉巫祝之癖貽笑中外而自宿疹之作幾涉周星安卧私家備禮求退方天地有大災

變陛下責躬訪道之際不思抗章引避而不朝君父扶

疾於中書視事引權親舊怡然自居暨物議沸騰則簡

其拜禮勉強入見面求假告都無省愧之心固寵慢上

寡識不恭之咎自古無有今聞所患再加不能復詣中

書養疾陛下優遇之禮既已備矣彼人貪祿竊位之計

亦已窮矣次則陳堯佐男述古監左藏庫官不成資未

欽定四庫全書

續資治通鑑長編

卷一百二十一

經三司保奏而引界滿酬獎之條擢任三門白波發運

使况程琳任三司使日曾定奪監左藏庫吳守則雖界

滿出刺而帳厯憑由不能依限結絕尚猶不應酬獎條

敕保明之官已重寘其罪以此較之則述古之授是為

欺罔聖明參知政事韓億初乞男綜不以資序回授凡

綱將朝廷要職從便退換如已家之物紊亂綱紀舉朝

非笑此二事若陛下忽令而小之因循不問彼則曰我

營私若是而上不之責矣言事者疏我之罪而上不之

聽矣則必愈任威福公然為不善更無畏矣又石中立本以藝文進居近署兼領常局事尚不能少有建明但滑稽談笑之譽為人所稱處於翰墨之司固當其職若參決大政則誠非所長伏見仍歲以來災異間作衆星流隕躔次不順河東地震壓覆至多雖歷代所書譴告之事未有如斯之大也而又冬無積雪春首霖霖寒燠之序未甚均協考天戒之自則燮理之任正當其責而在上獨使陛下引咎敷詔詢求讜言繼日臨朝孜孜政道在外則降敕天下偏責刺舉牧長之吏各修其職於政府之臣則以為過不在己泰然自處於臯夔稷契之右臣僚欲廣陛下之德乞頒前詔於天下而罷立期限則皆抑而不從蓋臣事專而君道弱之明應也陛下用輔臣如此不惟使四方觀望寢成弛慢之風必恐外國聞之亦有輕視中國之意如望天責可消而福自來則又不可得也陛下倘以為退免大臣其事至重非下所宜輕議孰若以祖宗八十年太平之業坐付庸臣恣其

隳壞乎今下至閭里之人猶能揚言而非之投書而謗之又况陛下置臣於言責之地可知而不言哉臣是以不避斧鑕屢有奏論乞從罷黜以慰具瞻之望於已非私也於彼非有嫌隙也所切者以陛下有堯舜之資而為在位壅蔽一思開發肅明以濟亨運無他意也然慮陛下以臣過有詆訐疑在離間是故久而不行伏望出臣此疏明示中書委御史臺於朝堂集百官會議正其是非如以為臣言不謬則乞陛下公而行之若以為輔弼等前件事於朝政無損國體無傷只是臣發於狂妄則誅戮貶竄之罪臣無所逃矧遇陛下勤政蒼天申明賞罰之秋特望判其邪正以塞群議上嘉納之三月戊戌朔門下侍郎平章事王隨罷為彰化節度使同平章事戶部侍郎平章事陳堯佐罷為淮康節度使同平章事判鄭州戶部侍郎參知政事韓億罷歸本班禮部侍郎參知政事石中立罷為戶部侍郎資政殿學士初呂夷簡罷密薦隨與堯佐二人為相其意援引非

才居已下者用之觀他日上意見思而復相已及隨與
堯佐億中立等議政數忿爭於中書隨尋屬疾在告詔
五日一朝日赴中書視事而堯佐復年高事多不舉時
有中書翻為養病坊之語又轉運使王軫求三路於隨
隨以閭閻鄙語罵之一日隨方膳堂吏白事忤意隨食
未及下咽而遽斥之羹汚其面中外恥笑會災異仍見
琦論隨等疏凡十上堯佐亦先自援漢故事求策免於
是四人者俱罷

欽定四庫全書

王巖叟作韓魏公遺事錄云公言天下
事不能必如人意仁宗時王隨陳堯佐
卷一百二十一

為宰相皆老病又不和中書事多不決韓億石中立二
人又頗以私害公公時為諫官屢疏不納復物議益喧
公復上章乞廷辨上追於正論罷四人者當時天下之
望在王沂公呂公杜沂公范希文而公亦引薦之及
宣麻日乃張士遜昭文章得象集賢宋庠亦引薦之及
天下大失望公曰事固不可知人意亦不能必也按歲
豐此錄誤宋庠參政在實元二年十一月晁宗慤參
政在康定元年九月不與士遜得象然上意本用庠
慤此時在翰林院二年餘卒用之或傳聞疑似致此而范希
偶以讒止更一年餘卒用之或傳聞疑似致此而范希
文二年前權知開封坐謫落天章閣待制去冬補外方
自饒徙潤猶未復職蹕遽政府恐亦無此例魏公自言
必不差巖叟聽之不審又不加參考遽筆之於書耳又
汪藻書陳堯佐舊事云文惠陳公相仁祖每內批夜下
不過十刻忽夜分有御封至私第公不敢封來日袖至
閣前屏奏曰今中宮虛位張貴妃有寵恐姦人附會請

正母儀非陛下本意有不得已者若誠此事臣不敢啟
封以示同列仁祖首肯曰姑置之貴妃即追冊溫成后
也當時於墓刻神道碑不敢書公嗚呼故舉也天下之
治亂係焉文惠公不勸聲色聞悟轉移於諷笑之頃一
旦致其主於漢唐賢君之上使當時有秋毫容說之心
其失可勝計哉可謂仁人君子而一言興邦矣自古妃
匹之愛父不能得之子君不能得之臣所謂難言骨肉
之閒者也文惠公及此固社稷之臣非吾仁祖有從諫
之聖亦安能容其臣如是之大乎後世於此可以觀一
拜君臣之盛而為萬世法矣按文惠以景祐四年四月
拜相實元元年三月罷溫成以康定元年十月自御侍
遷才人距文惠罷相凡二年餘雖當時已被寬幸不應
諫臣便有正位中宮之請汪藻所見恐文惠之孫飾說
非事實也

欽定四庫全書

韓資治通鑑長編
卷一百二十一

三

士遜為門下侍郎兼兵部尚書平章事戶部侍郎同知
樞密院事章得象以本官平章事戶部侍郎知樞密院
事盛度加寧武節度使檢校太傅度位本居得象上而
得象超為宰相故度亦特進秩右諫議大夫同知樞密
院事王駿龍圖閣學士工部侍郎權知開封府李若谷
並為參知政事 龍圖閣直學士給事中權三司使王
博文龍圖閣直學士工部侍郎知永興軍陳執中為
右諫議大夫並同知樞密院事 初韓琦數言執政非

才上未即聽琦又言曰豈陛下擇輔弼未得其人故耶
若杜衍孔道輔胥偃宋郊范仲淹衆以為忠正之臣可
備進擢不然嘗所用者王曾呂夷簡蔡齊宋綬亦人所
屬望何不圖任也上雖聽琦罷王隨等更命士遜及得
象為相士遜猶以東宮舊恩或言又夷簡蔡薦之得象
入謝上謂曰往者太后臨朝羣臣邪正朕皆嘿識惟卿
忠清無所附且未嘗有干請今日用卿由此也夷簡又薦士遜

欽定四庫全書

續資治通鑑長編

卷一百二十一

戶部尚書知應天府夏竦為三司使刑

部負外郎知制誥宋郊為翰林學士上初欲用郊為右
諫議大夫同知樞密院事中書言故事無知制誥除執
政者乃先召入翰林左右知上遇郊厚行且大任矣學
士李淑害其寵欲以奇中之言於上曰宋受命之號也
郊交也合姓名言之為不祥上弗為意他日以諭郊因
改名庠庠更名在十二月未今聯書之

已亥發邵澧潭三州駐泊兵七指揮赴宜融州討捕蠻

賊

庚子吏部侍郎參知政事程琳加尚書左丞
辛丑安德節度使知樞密院事王德用為宣徽南院使
定國節度使依前知樞密院事

甲辰彰信節度使同平章事王隨判河陽

乙巳翰林學士李淑為翰林侍讀學士仍罷判禮院避
其父若谷執政也詔舉人該去年十一月癸丑詔免
解而赴試不及者將來更與免解

戊申資政殿學士宋綬為資政殿大學士

葉夢得云王欽若始為大

欽定四庫全書

續資治通鑑長編

卷一百二十一

資政其後向敏中李迪王曾皆以前
宰相為之非宰相而除者惟錢一人

詔外夷入貢所

過州縣令巡檢縣尉護送之

己酉許穎州立學穎非藩鎮也於近詔不當立學知州
蔡發有請特從之

庚戌龍圖閣待制王舉正復為知制誥

甲寅御崇政殿試禮部奏名進士乙卯試諸科丙辰試
特奏名庚申賜進士揚州呂溱等二百人及第一百十
人同出身特奏名一百六十五人同諸科出身及為諸

欽定四庫全書

續資治通鑑長編卷一百二十二

宋 李燾撰

仁宗

寶元元年夏四月庚午詔天下母得連用真宗皇帝藩邸舊名

癸酉給事中同知樞密院事王博文卒始博文為三司使言於上曰臣且死不得復望兩府之門因泣下上憐

欽定四庫全書

續資治通鑑長編
卷一百二十二

一

之後數日與陳執中並命位樞密凡三十六日死時乘輿宴金明池既歸而奏計至趣駕臨奠贈吏部侍郎博文以吏事進多任劇繁為政務平恕嘗語諸子曰吾平生決罪至流刑未嘗不陰擇善水土處汝曹忘之然治曹汭獄議者多謂博文希章獻旨縱羅崇勳傳致其罪云

初度支員外郎集賢校理張畧之提點淮南路刑獄知亳州楊崇勳恃恩為不法械蒙城知縣王申送獄畧之

州長史辛酉賜諸科四百十四人及第并出身其特奏

名被恩賜者又九百八十四人瓊林宴初賜大學篇先

是上以開封府所解鎖廳進士陳博古等嘲謗籍籍密

詔博古及韓億四子并兩家門下士范鎮家靜試卷皆

勿考鎮成都人靜眉山人考官奏鎮靜寔有文久馳聲

場屋非附兩家之勢而得者乃聽考而降其等級鎮禮

部奏名為第一故事禮部第一人賜第未有在第二甲

者雖近下猶升之吳育歐陽修殿庭唱第過三人亦抗

欽定四庫全書

續資治通鑑長編
卷一百二十一

王

聲自陳鎮獨默然至第七十九人乃出拜退就列無一

言眾以是賢之禮部第一人在第二甲自鎮始初薛奎

知益州還朝與鎮俱或問奎入蜀所得奎曰得一偉人

當以文學名世也